



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ



«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՐՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ՄԱՅԼԵՌ ՄԱՈՒՆԹԱՅՆ ՌԵՋՈՐԹ» ԸՆԿԵՐՈՒԹՅԱՆ ՄԻՋԵՎ

ք. Երևան

06 հուլիսի 2022 թ.

Սույն համագործակցության հուշագիրը (այսուհետ՝ Հուշագիր) կնքվում է «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի (այսուհետ՝ Ինստիտուտ) և «Մայլեռ Մաունթայն Ռեզորթ» ընկերություն (այսուհետ՝ Ընկերություն) միջև:

Հաշվի առնելով Ինստիտուտի և Ընկերության փոխադարձ համագործակցությունը և փորձի փոխանակումը.

Նկատի ունենալով, որ համատեղ համագործակցությունը հնարավոր է միայն կառուցողական փոխգործակցության և փոխօգնության կազմակերպմամբ.

Կարևորելով պրակտիկ աշխատանքների համատեղ իրականացումը և արդյունքների ներդրումը ի շահ Հայաստանի Հանրապետության.

Բարձր գնահատելով Ինստիտուտի և Ընկերության պատրաստակամությունը մասնագիտական կրթական զարգացման գործընթացին նպաստելու և բարձր առաջադիմություն ունեցող շրջանավարտներին աշխատանքով ապահովելու համատեքստում.

Հիմք ընդունելով փոխադարձ պայմանավորվածությունները.

Որոշեցին կնքել սույն Հուշագիրը հետևյալի մասին՝

1. Համագործակցության նպատակը

Սույն Հուշագրով Ինստիտուտը և Ընկերությունը նախատեսում են Հայաստանի Հանրապետության օրենսդրության շրջանակներում համագործակցել Հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

2. Համագործակցության ուղղությունները

2.1 Սույն Հուշագրով համագործակցության ուղղություններն են՝

- Մասնագիտական կրթության զարգացումը,
- Երիտասարդ մասնագետների համար գործնական գիտելիքների ամրապնդման և խորացման հնարավորությունների ստեղծումը,

- Ինստիտուտի ուսանողների արտադրական պրակտիկայի անցկացում Ընկերությունում,
- Ուսումնական գործընթացում ըստ անհրաժեշտության նորագույն տեխնոլոգիաների, մասնագիտական գրականության ապահովումը,
- Մարզումների կազմակերպումը՝ ֆիզիկական կուլտուրայի կիրառման արդյունավետության բարձրացման, հանրային առողջության քարոզչության ոլորտներում
- Կրթական ծրագրերի իրականացման գործընթացում Ընկերության առաջատար մասնագետների ներգրավումը,
- Համապատասխան ոլորտներում երիտասարդների ներուժն ու տաղանդը գործի դնելու բացառիկ հնարավորությունների բացահայտումը,
- Բարձր առաջադիմություն ունեցող շրջանավարտներին աշխատանքի ապահովում և կարիերայի զարգացումը:

2.2 Սույն հուշագրով Կողմերը համագործակցում են նաև

- 2.2.1 Ինստիտուտի ուսանողների մասնագիտացմանն առնչվող գործնական և մասնագիտական կատարելագործման, ինչպես նաև գիտելիքների և հմտությունների ներդրման ուղղություններով:
- 2.2.2 Ինստիտուտի և Ընկերության լիազոր ներկայացուցիչներից ձևավորված աշխատանքային խմբերի միջոցով
- 2.2.3 Ներդրումային, նորարարական, անվանական կրթաթոշակների, դրամաշնորհային ծրագրերի համատեղ իրականացման շուրջ,
- 2.2.4 Գիտական համաժողովների, սեմինարների, խորհրդակցությունների կազմակերպման միջոցով,
- 2.2.5 Ինստիտուտի և Ընկերության գործունեության ոլորտներին առնչվող համապատասխան նյութերի հրատարակման գործում
- 2.2.6 Սույն Հուշագրի գործողության շրջանակներում Ինստիտուտի և Ընկերության գործառույթների կատարման համար, ըստ աշխատանքային անհրաժեշտության, մարզաբազաների, տարածքների, գույքի օգտագործման միջոցով,
- 2.2.7 Երկկողմանի հետաքրքրություն ներկայացնող ուսումնակրթական բնույթի ծրագրերի, այդ թվում համապատասխան ոլորտներում հետազոտությունների, փորձաքննությունների իրականացման շուրջ,
- 2.2.8 Համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու գործում,
- 2.2.9 Ինստիտուտի ուսանողների մասնագիտացմանն առնչվող գիտագործնական և մասնագիտական կատարելագործման, ինչպես նաև գիտելիքների և հմտությունների ներդրման ուղղություններով:

3. Համագործակցության սկզբունքները

3.1 Ինստիտուտը և Ընկերությունը սույն Հուշագրի սահմաններում իրենց գործառույթներն իրականացնում են օրինականության, փոխօգնության, համագործակցության սկզբունքներով:

4. Եզրափակիչ դրույթներ

- 4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:
- 4.2 Սույն Հուշագրի լրացումներն ու փոփոխությունները համարվում են Հուշագրի անբաժանելի մասը:
- 4.3 Սույն Հուշագիրը չի առաջացնում ֆինանսական պարտավորություններ Կողմերի համար:
- 4.4 Յուրաքանչյուր կողմ կարող է միակողմանիորեն խզել Հուշագիրը՝ այդ մասին մեկ ամիս առաջ տեղյակ պահելով մյուս կողմին:
- 4.5 Սույն Հուշագիրը կնքվել է Երևան քաղաքում, 2022թ. հունիսի 6-ին:
- 4.6 Սույն Հուշագիրը ուժի մեջ է մտնում ստորագրման պահից և գործում անժամկետ:

Կողմերի վավերապայմանները և ստորագրությունները

Ինստիտուտ

«Հայաստանի ֆիզիկական կուլտուրայի և սպորտի պետական ինստիտուտ»
հիմնադրամ

ք. Երևան, Ալեք Մանուկյան 11

Ռեկտոր Դավիթ Խիթարյան



Ընկերություն

«Մայլեռ Մաունթայն Ռեզորթ»

ք. Երևան, Ադոնց 8

Հիմնադիր Տիգրան Հարությունյան

